

Siunnersuummut oqaaseqaatit

Oqaaseqaatit nalinginnaasut

1. Inatsisissatut siunnersuutip tunuliaqutaa

Pisortanut akiitsut akilersinniarneqartarnerat pinaveersaartinneqarnissaallu pillugit Inatsisartut inatsisaat siulleq 1996-imi atuutilermat siunertaavoq ilaatigut pisortat pisassarisaasa assigiinngitsut, Kalaallit Nunnaani eqqartuussisarneq pillugu inatsimmi (siusinnerusukkut Kalaallit Nunaanni eqqartuussisarnermik inatsit) taaneqanngitsut akilersinniarneqarnissaannut inatsisitigut tunngavissamik pilersitsinissaq, ilaatigullu pisortanut akiligassanik kinguaattoortarnerup pinaveersaartinnissaanut sakkussanik pilersitsinissaq.

Pisortat innuttaasunut suliffeqarfinnullu assigiinngitsorpassuarnik pilersuillutillu sullissisuupput (innaallagiaq, imeq, kiassarneq, ineqarneq, eqqaaneq, pujoorfinnik paaviaaneq, ulluuneraani paaqqinnittarfiit il.il.) akiligassiisarlutillu, soorluttaaq pisortat aamma akitsuutinik aalajangersimasunik assigiinngitsunik (qamutit motorillit akileraarutaat, aningaasanik ikisilluni pinnguaatinut akileraarut il.il.) akiligassiisartut. Tamakku tassaapput pisassarisat ataasiakkaat amerlasoorpassuit, ataasiakkaarlutik annertussutsimikkut killeqarsinnaasut.

Pisassarisat tamakkua ilarpassui piffissaagallartillugu akilerneqatannimmata, pisassarisallu ilaat sullissinernut itigartitsissutigiinnarneqarsinnaanngitsunut, soorlu eqqaanermut pujoorfinillu paaviaanermut akiligassaammata, tamatuma kingunerisarpaa pisassarisat ataasiakkaat annertunngitsut amerlasoorujussuit pinngitsaaliinikkut akilersinniarneqartussanngortarnerat.

Pinngitsaaliinikkut akiliisitsiniartarneq ilaatigut innuttaasunut inatsiseqartitsinikkut isumannaatsuutitsineq eqqarsaatigalugu suliassaavoq pisariungaatsiartoq innuttaasumut, (sulisitsisumut) pisortanullu nukinnik annertuunik atuiffiusartoq. Pinngitsaaliinikkut akiliisitsiniartarnerup assersuutigalugu nassatarisinnaavaa innuttaasup akissarsiaanik unerartitsineq.

Pinngitsaaliinikkut akiliisitsiniarnerup ingerlanneqarnerani nukinnik atuneq annertuvoq iliuuseqartarnerup annikillisaaviginissaa. Tamannalu pissaaq ilaatigut ilanngartuisinnaaneq pillugu aalajangersakkap kommunit paaqqinnittarfinni angerlarsimaffinnilu ulluunerani paaqqinninnermut, eqqakkanut pujoorfiillu paaviarneqarnerinut akiliutitut pisassarisaannut

aammalu kommunit inuussutissarsiutitigut suliffeqarfinnut il.il. aningaasaliinermikkut inuussutissarsiutinik ineriartortitseqataasinnaanerannut atatillugu pisassarisanut aamma atuuttunngortinneratigut, ilaatigullu ingerlaannartumik akiliisarnissamik aaqqissuussinnermut ilaanissamik piumasagaateqarnikkut.

Ilanngartuisinnaaneq pillugu aalajangersakkap annertusineqarnerata nassataraa kommunit, akileraarutinut akiliutaavallaarsimasunik utertitsilernerme pissarsisussap paaqqinnittarfinni angerlarsimaffinnilu ulluunerani paaqqinnittarnermut, eqqaanermut pujoorfinnillu paaviaanermut akiligassarisaanut kiisalu kommunit inuussutissarsiutinik siuarsaaniarlutik inuussutissarsiutitigut suliffeqarfinnut qularnaveeqqusiissuteqarnerisigut pisassarisanut akilerneqartusannogoreersimagaluartunut akiligassarisaanut naapertuuttunik ilanngartuisinnaanerata.

Aalajangersagaq aamma annertusineqarpoq inuinnaat, pilersuisussaataitanermut akilersuutinik (meeqqanut akilersuutinik annertuisanik aapparissimasamullu akilersuutinik) akilerneqartusannogoreersimagaluartunik pisassarisaannut atuuttunngorlugu.

Ingerlaannartumik akiliisarnermut nalunaarsimanissamik piumasagaat piffissaagallartillugu akiliisartut qanoq akiliinissamik toqqaasinnaanerannik annikillisitsineruvoq. Piumasagaalli pisortanut akiligassanut kinguaattoorutit amerliartuinnartut eqqarsaatigalugit pisariaqartumik inatsiseqartitsinikkut iliuutsit isigisariaqarpoq, inunnullu piffissaagallartillugu akiliinngitsunut pinngitsaaliinikkut akiliisitsiniarsinnaaneranut sanilliullugu annikitsuinnarmik akuliunnerut isigisariaqarpoq. Peqatigitillugulu piumasagaatip pisortani nukinnik atuineramik malunnaatilimmik annikillisitsinissaa ilimagineqarpoq.

Pisortat aningaasanut karsiinik matusineq taamatut aamma pisortani nukinnik atuinikinnerunissamut sakuussaaq. Aningaasanut karsit oqaluttuarisaanermi inuttaasut pisortanut akiligassaminut akiliiffigisarsimasaattut nalinginnaasuusimapput, tassalu pisortat ataasiakkaat namminerisaminik karseqartarlutik aningaasanik tigooraavigisatut tunniussuiffittullu atornerartunik. Aningaasanut karsit ikilileriffigineqarnerat allaffissornikkut naammassinnissinnaanerunissamut siuarsaasuussaaq. Pisortat oqartussaasut arlaqartut karsimik ilaannik atorunnaarsitse-reerlutillu tamatuminnga pilersaaruteqarput.

2. Inatsisissatut siunnersuutip imarisaa

Maleruagassat siunnersuutigineqartut pisortanut akiligassanut kinguaattoornernik pinaveersaartitsinissaq siunertaraat.

Ilanngartuisinnaaneq pillugu aalajangersakkap kommunit paaqqinnittarfinni angerlarsimaffinnilu ulluunerani paaqqinnittarnermut, eqqaanermut pujoorfinnillu paaviaanermut akiligassatigut pisassarisaannik ilaneqarnissaa siunnersuutigineqarpoq.

Akileraarutinit akiliutaavallaarsimasunik utertitsilernermi kommunip aamma, pisassaartoq paaqqinnittarfinni angerlarsimaffinnilu ulluunerani paaqqinnittarnermut, eqqaanermut pujoorfinnillu paaviaanermut akiligassanik kiisalu kommunit inuussutissarsiutunik siuarsaaniarluni inuussutissarsiutitigut suliffeqarfinnut il.il. aningaasaliinerisigut pisassarisanik akilerneqartussanngoreersimagaluartunik akiligassaqarpat ilanngartuisinnaanissaa siunertarineqarpoq.

Aalajangersagaq aamma annertusineqarpoq inuinnaat, pilersuisussaataitanermut akilersuutunik akilerneqartussanngoreersimagaluartunik pisassarisaannut atuuttunngorlugu.

Aammattaaq siunnersuutigineqarpoq pisortanut akiitsut akilersinniarneqartarnerat pinaveersartinneqarnissaallu pillugit Inatsisartut inatsisaanni aalajangersagaq nutaaq ilanngunneqasasooq, pisortat pilersuinerannut sullissinerannullu assigiinngitsunut, aammalu akitsuutinit aalajangersimasunut assigiinngitsunut akiliisarnermut atatillugu ingerlaannartumik akiliisarnermik aqqissuussinermut ilaanissamik pisortat oqartussaasut piunasaqarsinnaanngorlugit.

Tamatumani siunertaavoq akiligassanut kinguaattoorutit amerlassusiisa, taamalu aamma nukkiit tamakkuninnga akiliisitsiniarnermi atorneqartussat killilersimaarnissaat. Siunnersuutip innuttaasut ataasiakkaat inatsiseqartitsinikkut toqqissisimanartunik atugaqarnissaannut sunniuteqarnissaa naatsorsuutigineqanngilaq.

Ingerlaannartumik akiliisarnermik kiffartuussinerit assigiinngitsut maannakkut ilisimaneqarput, soorlu aningaaserivikkut elektroniskiusumik nuussinerit aammalu toqqaannartumik akiliinerit, assersuutigalugu akiliisarnermik kiffartuussinikkut (betalingservice).

Ingerlaannartumik aningaaserivimmi nuussinikkut akiliisarnermut ilanngunnermi innuttaasooq ulloq akiliiffissaq nallertinnagu, akiligassiissummut akerliliissutissaqaruni, akiligassap utertinnissaanut itigartitsissutiginnissaanulluunniit periarfissaqarpoq. Tamanna inuup nammineq aqussinnaavaa akiliisarnernut, assersuutigalugu netbankikkut, malinnaanermigut.

Akiliisarnermik sullissinermut ilanngunnermi innuttaasup matuma qulaani periutsimi akiliisarnini netbankikkut allatulluunniit malinnaavigisinnaavai akiliinissarlu pitinnagu unitsissinnaallugit. Aammalu akiliisarnermik sullissivik periarfissiivoq innuttaasup akilikkanik utertissinnaanerani. Innuttaasup akiligassap akilerneqarnissaa akilersimasalluunniit utertinnissaa kissaatiguniuk, tamanna inuuttaasup netbankiatigut naammassineqarsinnaavoq imaluunniit piffissap aalajangeriikkap qaangiutinnginnerani tamanna pillugu innuttaasup aningaaserivianut nalunaaruteqarnikkut. Maannamut Net-ikkut akiliisarnermik sullissivik akiliussisarfinni taamaaliorsinnaasutut kisiartaavoq.

Aningaaseriviit inummut suliffeqarfimmulluunniit kontumik pilersitsinissaq akiliisarnissamiluunniit isumaqatigiissuteqarnissaq itigartitsissutiginnissaavaat. Inuit aningaaserivimmi kontoqanngitsut, imaluunniit akiliisarnissaq pillugu aningaaserivimmik isumaqatigiissuteqarsinnaanngitsut eqqarsaatigalugit, aalajangersagaq imatut ilusiligaavoq akiligassamik naammass-

sinniffiusumik akiliisinnaanermut allatigut periarfissaqartitsilluni. Taarsiullugu akiliisinnaanermut periarfissaq amerlanertigut tassaasinnaavoq girokorti atorlugu akiliineq.

Siunnersuutigineqarpoq inuit imaluunniit inatsisitigut pisinnaatitaasut pisussaataitaasullu pisortanut oqartusaasunut akiliisarnerannut tunngatillugu maleruagassat erseqqinnerusut Naalakkersuisunit aalajangersarneqarsinnaassasut. Naalakkersuisut ilaatigut inuit inuiaqatigiinniluunniit immikkoortut akiliinissamut pisariaqartitsinerat periarfissaqarnerallu immikkut male-ruagassiuussinnaavaat. Piginnaatitsineq taamaasilluni inuit ataasiakkaat eqaannerusumik aaq-qiiissuteqarfigisinnaanissaannut periarfissiisaaq.

Siunnersuutigineqarpoq pisortat oqartussaasut akiligassamik naammassinnissutaasumik aningaasanik akiliineq itigartitsissutigisinnaassagaat, oqartussaasut ingerlaannartumik akileeriaatsimik atuinissaq aalajangiiffigisimappassuk. Aningaasanut karsinik ingerlatsineq akisuujuvoq. Allaffissornikkut aningaasanut karsit pisortanut aningaasatigut nanertuutaapput, tamatumani aamma nakkutilliinermut pinerlussinnaanermillu pinaveersaartitsinermut. Aammalu - ingerlaannartumik akiliisarnermik aaqqissuussinikkut akiliineq ajornannginneralaaarsuarmik sukkanerusumillu naammassineqarsinnaagajuttarpoq, aningaasanut karseqarfimmut nammineq takkunnerminngarnit. Taamaasilluni siunnersuutip pisariinnerusumik ajornannginnerusumillu akiligassanik akiliisarneq, aningaasanik akiliisarnerit ikilisaaviginerisigut siuarsassavaa.

Siunnersuut pisussaaffiliinermik malinninngitsut qanoq pineqartarnissaannik aalajangersakanik imaqqanngilaq.

3.Aningaasatigut allaffissornikkullu pisortanut kingunerisassai:

Ilanngartuisinnaaneq pillugu aalajangersakkap annertusaaviginerata kingunerisaanik pisortanut akiligassanut kinguaattoorutit ikilinissaat, tamatumalu tigorianaannik aningaasaateqarnermut pitsannguutaanissaa ilimagineqarpoq.

Atuuffiusumillu annertusisitsineq aamma akilisitsiniarsinnaanerni allaffissornikkut oqilisaa-taanissaa ilimagineqarpoq.

Ingerlaannartumik akiliisarnermik aaqqissuussinermut nalunaarnissamik piunasaqaatikku-tiluanaarutaasinnaasut eqqortumik naliliivigineqarsinnaanngillat, akiliinngitsoortarnerilli siunnersuup kingunerisaanik ikilinissaat ilimagineqarpoq. Naatsorsuutigineqarpoq taamatut piunasaqarnikkut pisassarisat annaasallu annikilleriartinneqassasut.

Assersuutigalugu oqaatigineqarsinnaavoq akiliisitsiniartarnermi qitiusumik oqartussaasut piffissami 1. januar 2009-miit oktober 2010-p tungaanut suliarisimammattigit eqqagassalerinermut akiliinngitsoornerit 137.628-t. Ingerlaannartumik akiliisarnermik aaqqissuussinermut ilaanissamik piunasaqaatip akiligassanut kinguaattoorutit affaanngortissinnaappagit, allakkat nassiussuunnerinnaannut sipaarutit ukiumut 0,5 mio. koruunit missiliussavaat. Aamma-

lu akiligassanut kinguaattoorutunik suliat ikileriarnernanni sulisut akiliisitsiniarnermi sulianik allanik suliaqarnissaannut periarfissinneqassallutik.

Allakkat nassiussornerinut sipaakkatigut Namminersorlutik Oqartussat ukiumut 0,5 mio. koruuninik sipaagaqartarnissaat ilimagineqarpoq.

Taamatuttaaqq kommunit aamma allakkat akiligassiissutit nassiuttarnerannut aningaasartuutitigut, Namminersorlutik Oqartussat sipaagaasa amerlaqataannik sipaagaqarnissaat ilimagineqarluni.

Akiliisitsiniarnermi suliat ikileriarnerat taamatuttaaqq kommunit Namminersorlutillu Oqartussat annaasaasa ikileriarnissaannik kinguneqassasoq naatsorsuutigineqarpoq. Aningaasalli taakkua annertussusilernissaat ajornarpoq.

Taamaammat ingerlaannartumik akiliisarnermik aqqissuussinermut ilaalerneq pisortanut ilu-aqutaasumik sunniutissaaq, pinngitsaaliinikkummi akiliisitsiniarnerit nukippassuarnik atuiffiusartut aningaasartuutaqisullu ikileriassammata.

Pisortanulli aningaasartuutissartaqassaaq, tassa ingerlaannartumik akiliisarnermik aqqissuussinermik neqerooruteqartumut akiliummik. Tamanna assersuutitut takuneqarsinnaavoq ingerlaannartumik akiliisarnermut (betalingsservice) Nets-imi nalunnaarnermi. Tamatumunngali atatillugu aningaasartuutit allaffissornikkut aningaasartuutunik sipaakkanik akiligassallu piffissaagallartillugu akilerneqartarnerisa qularnaannerulernerisigut illuatungilerneqarnissaat ilimagineqarpoq.

4. Aningaasatigut allaffissornikkullu inuussutissarsiuteqartunut sunniutissai:

Siunnersuutip inuussutissarsiuteqartunut maannakkut aningaasatigut sunniuteqarnissaa naatsorsuutigineqanngilaq, pisortanummi akiliisarneq pillugu isumaqatigiissutit allanut akiliisarneq pillugu isumaqatigiissutinit salliutitaanngimmata.

Siunnersuulli sulisitsisunut annikitsumik allaffissornikkut oqilisaanermik nassataqarpoq, siunnersuutimmi pinngitsaaliinikkut akiliisitsiniarnermi akissarsianit ilanngaasarnerit ikileriartissagai naatsorsuutigineqarmat.

5. Avatangiisinut pinngortitamullu sunniutissai:

Siunnersuutip avatangiisinut pinngortitamullu sunniuteqarnissaa naatsorsuutigineqanngilaq.

6. Aningaasatigut allaffissornikkullu innuttaasunut sunniutissai:

Inatsisissatut siunnersuutip ilanngartuisinnaaneq pillugu aalajangersakkamik annertusisitsinera innuttaasunut sunniuteqassanngilaq. Allaffissornikkullu oqilisaanerup akiliisitsiniarsinnaanermik ingerlatsineq pisortanut innuttaasumullu pineqartumut oqinnerulersissavaa.

Inatsisissatut siunnersuummi ingerlaannartumik akiliisarnermik aaqqissuussinermut ilanngunnissamik piumasaqaatip allaffissorinikkut aningaasatigullu innuttaasumut oqilisaataanissaa naatsorsuutigineqarpoq, innuttaasummi allaffissornermut – aammalu akiliinermut akiliummik akiliinissaagaluq pinngitsoortissammagu, taamatullu innuttaasut piffissaajaataasumik nukinillu atuiffiusumik akiliisitsiniartarnerit akissarsianillu ilanngaassisarnerit annertusiartortumik pinngitsoortissinnaalissammatigit.

Pisortani aningaasanut karsit matuneqarsinnaanerisa innuttaasunut sullissinerup ajorseriarneranik nassataqarnissaat ilimagineqanngilaq. Innuttaasut aningaaserivimmik attaveqarfigisaminnik akiliisarneq pillugu isumaqatigiissuteqarsinnaanngitsut imaluunniit aningaaserivimmi kontoqanngitsut naammassissutaasumik assersuutigalugu girokorti atorlugu akiliisinnaapput.

7. Naalagaaffeqatigiinnermut Namminersorlutillu Oqartussanut tunngasut:

Inatsisissatut siunnersuut naalagaaffeqatigiinnermut sunniuteqassanngilaq.

8. Oqartussaasunik soqutigisaqaqatigiinnillu tusarniaaneq.

Siunnersuut KANUKOKA-mut, Kalaallit Nunaanni Sulisitsisut Peqatigiiffiannut (GA), GrønlandsBANKEN-imut, Bank Nordic-imut, Nunamut namminermut, Pinngortitamut Avatangii-sinullu Naalakkersuisoqarfimmut, Isumaginninnermut Naalakkersuisoqarfimmut, Inuussutissarsiornermut Sulisoqarnermullu Naalakkersuisoqarfimmut, Ineqarnermut, Attaveqaqatigiinnermut Angallanermullu Naalakkersuisoqarfimmut tusarniaassutigineqarpoq.

Tusarniaanermi akissuteqarput KANUKOKA, Nunamut namminermut, Pinngortitamut Avatangii-sinullu Naalakkersuisoqarfik, GrønlandsBANKEN, Kalaallit Nunaanni Sulisitsisut Peqatigiiffiat (GA), Inuussutissarsiornermut Sulisoqarnermullu Naalakkersuisoqarfik kiisalu Isumaginninnermut Naalakkersuisoqarfik.

KANUKOKA-p tusarniaanermut akissummini oqaatigaa siunnersuut namminneq akiitsunik pinaveersaartitsiniarnissaq eqqarsaatigalugu siunissami aaqqissuussinissamik siunniussaminut pilersaarutiminnullu naapertuuttusoq. Taamaammat KANUKOKA-p siunnersuut akuersaarpaa.

GrønlandsBANKEN-ip tusarniaanermut akissummini oqaatigaa siunnersuut aningaaserivimmut annertuumik sunniuteqartoq. GrønlandsBANKEN-ip erseqqissarpaa pisortani pisariillisaanikkut iluaqutissat aningaaseriviup tunngaviatigut ajorinngikkai, suliniutilli tamakku aningaaserivinnut sunniuteqarnerloqqunagit. Tassunga tunngatillugu GrønlandsBANKEN-ip oqaatigaa siunnersuut aningaaserivinnut nammakkersuivallaartoq, tassa akiliisarnermik sullissivimmut ilanngunnissamat piumasaqaateqarnerup kingunerisaanik, tassuunakkummi aningaaseriviit akiitsorineqalersunik 1.000 kr.-it ataallugit annertussilikkuutaanik annaasaqaratarsinnaanermut akisussaalissammata.

Aamma GrønlandsBANKEN-ip oqaatigaa pisortanut akiliutit kingunerisaannik kontut imari-
saannik sippuinernut matussusiinissaq pillugu pisortat aningaaserivinnut isumaqatigiissuteqar-
tariaqartut, taamaaliornikkummi siunnersuutip atuutilersinnissaa oqinnerussamat.

*Inatsisissatut siunnersuut pisortat sipaaruteqarnissaannik tunngaveqanngilaq, innuttaasulli
pisortanut akiliisarnernannik pisariillisaaniarnermik tunngaveqarmat, taamaaliornikkut innut-
taasut pisortanut pisariaqanngitsumik nammakkersuutaasumillu akiitsullit ikileqqullugit. Pi-
sortanullu akiitsut ikilisinneqarnerat innuttaasunut aammalumi pisortanut pitsaasunik kingu-
neqartussaavoq, akiitsummi ikinnerulerpata pinngitsaaliinikkut akiliisitsiniartarnerit, innut-
taasunut pisortanullu akisuut nukinnillu annertuunik atuiffiusut ikinnerulissammata.*

*Akiliisarnissamik sullissivimmuut ilanngunniartut amerlinerisigut akiitsorineqalersunik annaa-
saqaratarsinnaaneq eqqarsaatigalugu GrønlandsBANKEN-ip isumakulunnera paasinar-
poq. Kisiannili siunnersuummi tassungalu oqaaseqaatini takuneqarsinnaavoq siunnersuutik-
kut anguniarneqartoq ingerlaannartumik akiliisarnermik aaqqissuussinermut ilanngunnissa-
mik piumasagaat. Tassa pineqartoq tassaannaanngilaq Nets-ip akiliisarnermik sullissinermik
aaqqissuussinernanut ilanngussinnaaneq, aammali aningaaserivikkut ingerlaannartumik nuus-
sisarnikkut akiliisarnissamut ilanngussinnaaneq.*

*Siunnersuutikkut aningaaseriviit peqquneqanngillat aningaseriviit immikkut annaasaqaatigi-
sinnaasaannik nassataqartunik akiliinissamik isumaqatigiissusiortarnissat. Tassami oqaase-
qaatini allassimavoq aningaaseriviit kontumik imaluunniit akiliisarneq pillugu isumaqatigiis-
summik pilersitsinissamik itigartitsinnaasut, tassalu aningaaseriviit maannakkornit allaane-
rusumik inissisimalernaviannngillat.*

GrønlandsBANKEN-ip aamma oqaatigaa akiliisarnermik sullinneqarnissaq pillugu isumaqa-
tigiissusiorniartut aningaaserivimmuut saaffiginnittartut amerlinissaat aningaaserivimmuut su-
linarnerulissasoq.

*Qularnanngilaq siunnersuut aningaaseriviup sullitaasa ingerlaannartumik akiliisarnermik
aaqqissuussinermut ilanngunnissamik saaffiginnittartut amerlinissaannik kinguneqassasoq.
Isumaqaarnanngilarli aningaaserivik amerlanerusunik suliakkerneqassasoq, saaffiginnittus-
sammi amerlanerpaartaat aningaaseriviup sullitarereerpai, aammalu taakkullutik ingerlaan-
nartumik akiliisarnermik aaqqissuussinermut ilanngunniartut qaquguugaluarnerisooq pin-
ngitsooratik saaffiginnittussat. Ilannguttummi amerliartortillugit inuit nammineerlutik pisa-
riaqanngitsumik saaffiginnittarnerat aningaaserivimmuut piffissaajaataajunnaassaaq.*

GrønlandsBANKEN-ip kissaatigaa oqaaseqaatini erseqqissarneqassasoq pisortat isumaqataaf-
figigaat GrønlandsBANKEN-ip aningaaseriviillu allat akiliisarnermik isumaqatigiissuteqar-
nissamik pinngitsaalineqarsinnaanngitsut, aningaaseriviit naliliippata akiliisarnermik isuma-
qatigiissusiornissaq sullitamut tunngatillugu ilaatinneqassanngitsoq.

Qulaani taaneqareersutuut oqaaseqaatini allassimavoq aningaaseriviit kontumik imaluunniit akiliisarnermik isumaqatigiissummik pilersitsinissamik itigartitsisinnaasut, innuttaasorlu taamaalilluni naammassissutaasumik allatut akiliisinnaassasoq. Tamatuma erseqqissaqqinnissaa pisariaqarsorineqanngilaq, oqaaseqaatinimi erseqqissumik allassimareersorineqarmat.

Kiisalu GrønlandsBANKEN-ip oqaatigaa aningaaseriviit sullitamik pillugit paasissutissanik tunniussisinnaanngimmata, matumani aamma sullitat ingerlaannartumik akiliisarnermik aaqqissuussinermut ilaanersut ilannginnersulluunniit pillugit.

Ingerlaannartumik akiliisarnermik aaqqissuussinermut ilanngunnissamik piunasaqaateqartoqassappat innuttaasut ataasiakkaat taamaaliornissamut periarfissaqarnerannik nakkutillisoqarnaviannngilaq. Innuttaasut ataasiakkaat ingerlaannartumik akiliisarnermik aaqqissuussinermut ilanngunnissamut periarfissaqanngikkunik siunnersuut naapertorlugu naammassissutaasumik allatut akiliisinnaassapput, soorlu girokorti atorlugu akiliinissamut.

Kalaallit Nunaanni Sulisitsisut Peqatigiiffiata tusarniaanermut akissummini inassutigaa Aningaasaqarnermut Naalakkersuisoqarfiup misissussagaa akiliisarnermut periutsip assingusup Savalimmiuni atugaasup atorneqalersinnaanera, taannami atorlugu suliffeqarfiit akileraartisatit pisortanullu pisussaffitik allat aaqqissuussineq immikkut ittoq aqutugalugu akilertarmatigit.

Akiliisarnermik periutsimik Savalimmiuni atugaasumut assingusumik ineriartortitsinissaq atulersitsinissarlu piffissaq sivisooq atorlugu pisariaqassaaq, maannangaarlu pisariaqartinneqartoq tassaavoq akiitsorineqartut amerliartuinnartut eqqarsaatigalugit qanoq iliuuseqarnissaq, tamannalu siunnersuutikkut anguniarneqarpoq.

Naalakkersuisoqarfiulli Savalimmiuni periuserineqartoq ilisimavaa, taassumunngalu assingusumik siunissami atulersinnaaneq isumaliutigineqassaaq.

Kalaallit Nunaanni Sulisitsisut Peqatigiiffiat, aningaasatsiarsuit atorlugit naammassissutaasumik akiliuteqarnissamik pisortat itigartitsisinnaanernik eqqumiiginninnermi saniatigit allanik oqaaseqaateqanngilaq.

Pisortat oqartussaasut inuussutissarsiuteqartullu amerliartuinnartut aningaasanut karsiminik matusisarnerat takornartaajunnaaraluttuinnarpoq, attatiinnassallugimmi aningaasartuutaasaqimmata. Tamakkumi aamma nakkutilliinermut peqquserlutsaaliuiniarnermullu tunngatillugu allaffissornikkut pisariuserujussuupput. Aamma aningaasanut karsinik matusinikkut akiliisarneq pitsaanerusoq pisariinnerusorlu annertusiartussaaq, tamannalu innuttaasunut pisortanullu iluaqutaassaaq.

Inuussutissarsiornermut Sulisoqarnermullu Naalackersuisoqarfiup maluginiarpaa Naalackersuisoqarfik oqaaseqaatini immikkoortoq 8-mi taakkartorneqartunut ilaanngitsoq.

Kukkuneq iluarsineqarpoq, Naalackersuisoqarfillu taakkartorneqartunut maanna ilaalerpoq.

Inuussutissarsiornermut Sulisoqarnermullu Naalackersuisoqarfik siunnersuummut allanik oqaaseqaatissaqanngilaq. Nunamut namminermut, Pinngortitamut Avatangiisinullu Naalackersuisoqarfik siunnersuummut oqaaseqaateqanngilaq. Aamma taamaappoq Isumaginninnermut Naalackersuisoqarfimmu tunngatillugu.

Aalajangersakkanut ataasiakkaanut oqaaseqaatit

§ 1-imut

Nr. 1-imut

Aalajangersakkakut qulakkeerneqarpoq kommunit akileraarutinit, tassa imaappoq aningaasarsianit akileraarutinit aamma akitsuutinit akiliutaavallaarsimasut utertinneqalerneranni, utertoortissaqartup utertitassanngorlugit ikiorsiissutinit, pilersuisussaatitaanermut akilersuutinit siumoortumik tunniunneqartartunut, kommunit inuussutissarsiutitigut suliffeqarfinnut aningaasatigut attartortissimasaannut kiisalu paaqqinnittarfinni angerlarsimaffinnilu ulluunerani paaqqinnittarnermut, eqqaanermut pujoorfinnillu paaviaanermut kommunit pisassarisaannut, kiisalu kommunit inuussutissarsiutitigut suliffeqarfinnut il.il. aningaasaliinermikkut inuussutissarsiutinik ineriartortitseqataasinnaanernut atatillugu pisassarisaannut akilerneqartussanngoreersimagaluartunut akiligassarisaanut naapertuuttunik ilanngartuisinnaatitaanerit.

Siunnersuutigineqarpoq ilanngartuisinnaaneq pillugu aalajangersagaq kommunit paaqqinnittarfinni angerlarsimaffinnilu ulluunerani paaqqinnittarnermut, eqqaanermut pujoorfinnillu paaviaanermut kommunit pisassarisaannut atuuttunngorlugu annertusineqassasoq.

Ilassutaasup kingunerisaanik kommunit akileraarutinit akiliutaavallaarsimasunik utertitsilernermi pissarsisussap pisassaanik ilanngartuisinnaapput, pissarsisussaq paaqqinnittarfinni angerlarsimaffinnilu ulluunerani paaqqinnittarnermut, eqqaanermut pujoorfinnillu paaviaanermut akiligassaqarpat kiisalu kommunit inuussutissarsiutinik siuarsaaniarluni inuussutissarsiutitigut suliffeqarfinnut qularnaveeqqusiissuteqarnerminni pisassarisaannut akiligassaqarpat.

Ilanngartuineq pissaaq piffissami pisassaqtuusup tamatuminnga nalunaarfigineqarfiani.

Ilanngartuinermi ilanngartuisoq, pisassaqtuusup piffissami pineqartumi inatsisitigut inissisimaffiani inissisimalertarpoq, pisassaqtutut inatsisitigut inissilluni pisassarisat pineqartut utertillugit tunniunneqarnissaannik piumasaqarsinnaalluni.

Nr. 2-mut

Aalajangersagaq aamma inuinnaat pilersuisussaatitaanermut akilersuutinit (meeqqanut akilersuutinit aapparimasamullu akilersuutinit) tunngatillugu pisassarisaannut atuuttunngorlugu annertusaavigineqarpoq.

Nr. 3-mut

Siunnersuutigineqarpoq § 6-ip kingornagut qulequttatut nutaatut ilanngunneqassasoq:

“Akiitsoqalernissamik pinaveersaartitsineq”.

Nr. 4-mut.

§ 6 a, imm. 1-imut.

Aalajangersakkap siunnersuutigineqartup kingunerissavaa inuit aamma inatsisitigut pisinnaatitaasut pisussaataitaasullu pisortanit pilersuutinik sullissinernillu atuisutut, soorlu innaallagisamat, imermut, ineqarnermut, pujoorfiit paaviarneqarnerannut, eqqagassalerinermut imaluunniit ulluunerani paaqqinninnermut akiligassanik ingerlaannartumik akiliisarnermik aaqqissuussinermut nalunaarutiginninnissaat pisortat oqartussaasut piumasarisinnaagaat.

Siunnersuutikkut pisortat oqartussaasut, suliffeqarfiit namminersortitat allaffissornermilluunniit ingerlatsiviit pineqartut, pisortat sinnerlugit sullissinermik ingerlatsisut pilersuuteqartulluunniit akiligassat ingerlaannartumik akiliisarnermik aaqqissuussinermut nalunaarutigineqarnissaannik piumasaqaateqarsinnaanermut periarfissinneqarput.

Inuit aamma inatsisitigut pisinnaatitaasut pisussaataitaasullu pisussaaffimmik naammassinnissinnaasut pisortanit oqartussaasunit piumaffigineqarsinnaapput, nioqutissamik sullinneqarnermilluunniit pissarsinissaq sioqqullugu, soorlu ulluunerani paaqqinnittarfimmu il.il tunngatillugu ingerlaannartumik akiliisarnermik aaqqissuussinermut nalunaarnissamik.

Innuttaasut aningaaserivimmik attaveqarfigisaminnik ingerlaannartumik akiliisarnermik isumaqatigiissuteqarfiginninnissamat periarfissaqanngitsut pisortanit nioqutissanik sullissinernillu pissarsinissamat itigartinneqarsinnaanngillat, taakkua allatut akileeriaatsimik, assersuutigalugu giro-mut akiliinermik, taarsiullugu atuisinnaappata. Taamaammat inuit pisortat piumasaqaataannik naammassinnissinnaanngitsut taarsiullugu giro-mut akiliinermut kortimik pissapput.

Ingerlaannartumik akiliisarnermik aaqqissuussinermut nalunaarnissamik piumasaqaammik naammassinninnginneq imaluunniit itigartitsineq inatsisitigut arlaatigut kingunerluuteqartissisutaassanngilaq.

Akiliinngitsoornerli nioqutissamik sullissinermilluunniit pineqartumik pilersuinerup unitsineqarneranik kinguneqarsinnaajuassaaq. Taamatullu aamma suliat pinngitsaaliinikkut akiliisitsiniarnissaq siunertaralugu Akiliisitsiniartarnermik Oqartussaasunut tunniunneqarsinnaapput.

Siunnersuut aamma pisortat oqartussaasut aningaasanik tunniussinikkut naammassissutaasumik akiliiniarnermik itigartisisinnaanerannik periarfissiivoq, oqartussaasoq ingerlaannartumik akiliisarnermik aaqqissuussinermut nalunaarnissamik piumasaqaateqarsimatillugu.

Imm. 2-mut

Aalajangersakkami pineqarput ingerlaavartumik akiligassat tamarmik, tamatumani soorlu innaallagissamut, imermut, kiassarnermut, ineqarnermut, eqqaavilerinermut, pujoorfiit paaviar-neqarnerannut, ulluunnerani paaqqinnittarfinnut akiliutit, aammalu akileraarutit akitsuutillu, tamatumani soorlu qamutit motorillit akileraarutaat aamma aningaasanik ikisilluni pinnguaitinut akileraarut.

Imm. 3-mut

Inuit aamma inatsisitigut pisinnaatitaasut pisussaatitaasullu aningaaserivimmik attaveqarfigisaminnik ingerlaannartumik akiliisarnermik isumaqatigiissuteqarsinnaanngitsut ingerlaannartumik akiliisarnermut nalunaarnissamik piumasaqaammi pineqanngillat. Tamannalu aamma atuulluni inunntu aningaaserivimmi kontutaarsinnaanngitsunut.

Inuit aningaaserivimmik isumaqatigiissuteqarnissamut periarfissaqanngitsut, ingerlaannartumilluunniit akiliisarnermik aaqqissuussinermut nalunaarsinnaanngitsut naammassissutaasumik allatigut akiliisinnaapput, assersuutigalugu giro-mut akiliinertigut.

Imm. 4-mut.

Aalajangersakkap inuit aamma inatsisitigut pisinnaatitaasut pisussaatitaasullu pisortanut akiliisarnerat pillugu maleruagassanik erseqqinnerusumik Naalakkersuisut aalajangersaasinnaanerit periarfissippaa.

Tassa imaappoq aalajangersagaq, inuit imm. 3-mi pineqartut allatigut akiliisinnaanermut periarfissaat pillugit Naalakkersuisut erseqqinnerusunik maleruagassiorsinnaanerannik kinguneqarpoq.

Inuit imm. 3-mi pineqartut girokorti atorlugu allatulluunniit akiliisarnissaat pillugu Naalakkersuisut maleruagassiorsinnaapput, tamanna pineqartunut tunngatillugu naleqqutsinneqarpat.

§ 2-mut

Siunnersuutigineqarpoq Inatsisartut inatsisaat ullormi 1. juli 2011-mi atuutilissasoq.